

Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 2. An Confessarius directè absolvere potuerit talem pœnitentem in iis
circumstantiis?

urn:nbn:de:hbz:466:1-41144

casu à peccatis absolvī poterit, lius est, securius, & puritati Sacra-
non obstante Excommunicatio-
ne.

242 Quòd si tamen communicandi necessitate constrictus, habénsque duntaxat peccatum reservatum, Superiorēm accedere non possit, ut ab illo absolvatur, non esse obligatum, ut inferiori Sacerdoti confiteatur, si absit scandalum, & communicatus existimet se contritum esse, docet Suarez cum aliis citt. D. 30. S. 5. n. 32. ex regula communiter recepta apud Navar. in c. placuit n. 112. d. 6. ac penit. quòd nemo per se loquendo obligari possit, ut idem peccatum bis confiteatur; talis autem idem peccatum reservatum bis confiteri debet, scilicet non tantum inferiori, sed etiam postea Superiori; per accidens tamen, si pœnitens alia peccata mortalia non reservata habeat, unā cum iis etiam reservata confiteri debere, tradunt complures contra Alex. Alens. Petrum de Soto, & alios à Suarez. citatos D. 31. citt. S. 3. n. 8. imò communis sententia teste Laym. l. c. cum Henrīq. Suarez, Palao, S. Th. in 4. d. 17. q. 3. a. 2. q. 2. ubi in responsione ad quartūm ita fatur: etiam si Sacerdos non possit ab omnibus absolvere, tenetur sibi omnia confiteri, ut quantitatē totius culpæ cognoscat, & de illis, de quibus non potest absolvere, ad Superiorēm remittat. Id quod probabi-

Ad 2. Q. An præfatus Concio- 243
nator directè absolvere potuerit Rosinam in iis circumstantiis? Re-
spondet Dicastill. de Sacram. Panit.
tom. 2. tr. 8. d. 11. dubit. 17. n. 305.
Confessarium, qui ex vi sue facul-
tatis generaliter habet jurisdictionem
absolvendi ab omnibus pec-
catis non reservatis in casu urgen-
tis necessitatis probabiliter posse
directè absolvere ab iis, quæ alijs
sunt reservata, eò quòd pro tali
casu prudenter præsumatur non
esse reservata, ut quando urgente
necessitate Confessionis, aut Com-
munionis Paschalis impossibilis mo-
raliter, aut valde difficilis aditus ad
Superiorēm, vel alium delegatum
datur. Rationem dat, quia cum
potestas Superioris, & exercitium
illius semper sit, & præsumatur
esse in bonum, & ædificationem,
& non in destructionem anima-
rum, & in hoc casu reservatio po-
tiū cederet in daminum, quām in
bonum pœnitentis, non censemur
Superior exerceare suam potesta-
tem reservandi absolutionem pro
illa occasione; & circumstantiis,
quando ex reservatione gravissima
damna sequentur, & tanti Sa-
cramenti frequentiâ privaretur,
imò & Communione Paschali.
Hæc autem voluntas credita, vel
præsumpta Superioris ex parte
Superioris, quā tale peccatum
hic,

hic, & nunc ab inferiore Confessario possit absolvī, non est voluntas illa præsumpta, aut ratiabitio, seu interpretativa, quā censetur velle hic, & nunc, ut tale peccatum reservatum absolvatur; talis enim voluntas nulla est, nec eam Superior actu significat, ut virtute illius censeatur inferior habere jurisdictionem, prout tamen requiritur, ut voluntas illa per aliquod signum exterius manifestetur, ut cum aliis docet Vasq. apud Mendo; sed est duplex alia voluntas Superioris, una, quā contulit Confessario potestatem generalem absolvendi omnia peccata non reservata; altera est voluntas Superioris reservantis, quæ non censetur reservare peccata pro casibus tantæ difficultatis; quibus duabus voluntatibus sic probabiliter præsuppositis, & præsumptis censetur libera, & expedita facultas ad absolvendum ab illis peccatis, tanquam non reservatis, quæ alias extra illam occasionem, & circumstantias censerentur reservata.

Hanc doctrinam approbat etiam Diana part. 11. tr. 8. R. 49. ubi ait: Satis hæc probabiliter dicuntur: Unde Confessarius audiendo Confessionem nobilis faminæ, quæ confessa est aliquod peccatum reservatum, quæ si non fumeret Eucharistiam, mater ejus in aliquam suspicionem veniret cum nota, & infamia puellæ, posset in ta-

li casu Confessarius illam directè absolvere, quia tunc illud peccatum, ut probavit Dicastillo, non esset reservatum. Unde

Si talis supponatur casus Rosinæ, posset ille Confessarius iis in circumstantiis ab Ordinario aliás approbatus in proxim deducere hanc non improbabilem opinionem; secūs tamen, si Parochus, vel alius prædictus esset potestate absolvendi à reservatis, quem posset accedere, & solum nolit, quia erubescit valde suum peccatum Parocho aperire, utpote sibi, vel parentibus suis valde familiari, & noto; nam sola erubescencia, & familiaritas non est causa sufficiens declinandi Confessarium in reservata jurisdictionem habentem; nam ideo reservantur peccata, ut per difficultatem obtinendi absolutionem vitentur hujusmodi peccata: ergo non potest esse voluntas Reservantis, ut pro casu magnæ erubescencia, & difficultatis deobligetur pœnitens, ut confiteatur habenti potestatem in reservata, alias hæc voluntas everteret finem, saltem partiam ipsius reservationis. Accedit, quod erubescencia, & jactura, quam confitendo facit pœnitens, sui boni nominis, & astimationis, sit per se annexa Confessioni, & imbibita in ipsa peccatorum manifestatione, sintque hujusmodi onera intrinseca ipsi Sacramento Pœnitentiae. Quod si Rosina obstat-

CASUS XLII.

272


nato animo obfirmata esset; se nuli alteri velle suum peccatum detegere, tunc tanquam indisposita nec directè, nec indirectè absolvenda foret.

244

Cæterū non defuēre tali Confessario media juvandi suam pœnitentem, nimirum persuadendo, ut accederet Religiosum aliquem habentem delegatam potestatem in reservata, vel bene considerando, an non aliqua circumstantia eam potuerit excusare à reservatione, v. g. quia ignoravit homicidium esse casum reservatum, qua posita ignorantia probabile est non incurri casum reservatum, prout docent Navar. in man. c. 27. n. 180. Graff. de casib. reserv. l. 2. c. 40. n. 29. Quintanad. Burghab. & alii, & latius probabile censet Diana p. 10. tr. 16. R. 3. Qua proin opinione non imprudenter usus fuisset Confessarius advertendo magnam in sua pœnitente renitentiam, & difficultatem adeundi legitimum

Confessarium; nam ubi vertitur magnum animæ periculum, ibi conculendum est omni meliori modo, probabili tamen, quō potest. Atqui improbabile non est ignorantiam excusare à reservatione: ergo.

Præterea si dicta pœnitens extra Parochiam ob parentum severitatem, aut infamiae notam incurrandam exire non posset, quo liberius ignoto Confessario confiteri posset, nec proprius Parochus jurisdictionem in reservata haberet, tunc instantे præcepto Communionis Paschalis poterit à Confessario, cui fassa est suum peccatum reservatum, unā cum alijs non reservatis, indirectè ab illo absolvi cum obligatione tamen, ut data occasione procuret directam absolutionem ab habente facultatem, v. g. à Religioso aliquo privilegiato, vel ab alio jubilæi tempore &c.



CASUS